

古今名劇合選

古今名劇合集

新鐫古今名劇柳枝集



玉鏡臺

元關漢卿著 明孟稱舜評點 朱曾萊訂正

王府尹水墨宴

正目

溫太真玉鏡臺

楔子

俗語韻語  
徹頭徹尾  
說得快性  
盡情此漢  
卿不可及  
處○曲中

老旦扮夫人引梅香上云花有重開時人無再少  
日生女不生男門戶憑誰立老身姓溫夫主姓劉  
早年辭世別無兒男止生得一個女兒小字倩英

字句多從  
吳興改本

年長一十八歲未曾許聘他人夫主在日教孩兒  
讀書老身如今待教他寫字撫琴只是無個好明  
師我有個姪兒溫嶠見任翰林學士今將老身子  
母搬取來京舊宅居住說道要來拜望老身梅香  
門首覷者只等學士來時報復我知道梅香云理  
會的正末扮溫嶠上云小官姓溫名嶠字太真官  
拜翰林學士小官別無親眷止有一個姑娘年老  
寡居近日取來京師居住連日公衙事冗不曾拜  
候今日稍閒須索拜候一遭我想方今賢臣登用

際遇聖主觀的富貴容易自古及今那得志與不  
得志的多有不齊我先將這得志的說一遍則個  
仙呂點絳脣車騎成行詣門稽顙來咨訪剖決條章  
端的是語出人皆仰。

混江龍食前方丈望塵遮拜路途傍出則高牙大纛  
入則峻宇雕牆萬里雷霆驅號令一天星斗煥文章  
威儀赫奕徒御軒昂喜時節鵷鸞並進怒時節虎豹  
潛藏生前不懼獬豸冠死來圖畫麒麟像何止是析  
圭儋爵都只待拜將封王。

却說那不得志的也有一等

油葫蘆還有那苦志書生才學廣。一年年守選場。早熬的蕭蕭白髮滿頭霜。幾時得出爲破虜三軍將。入爲治國頭廳相。只願的聖主興。世運昌。把黃金結作漫天網。收俊傑攬賢良。

天下樂當日個誰家得鳳凰。翺也波翔。在那天子堂。爭知他朝爲田舍郎。傳說呵在版築處生。伊尹呵從稼穡中長。他兩個也不是出胞胎便顯揚。

雖然如此那得志不得志的都也由命不由人非

可勉強

那吒令他每都恃着口強。便儀秦呵怎敢比量。都恃着力強。便賁育呵怎敢賭當。元來都恃着命強。便孔孟呵也沒做主張。這一個是王者師。這一個是蒼生望。到底捱不徹雪案營牕。

鵲踏枝。他每都意荒荒。走四方。昨日燕陳明日齊梁。剛則是聚生徒來聽講。博得個述詩書萬古傳芳。

我今日也非敢擅自誇獎端的。不在古人之下。

寄生草。我正行功名運。我正在富貴鄉。俺家聲先世

無誹謗俺書香今世無虛誑俺功名奕世無謙讓遮  
莫是帽簷相接御樓前靴踪不離金堦上

么不枉了開着金屋空着畫堂酒醒夢覺無情況好  
天良夜成疎曠臨風對月空惆悵怎能彀可情人消  
受錦幄鳳凰衾把愁懷都打撇在玉枕鴛鴦帳

一頭說話早來到姑娘門首梅香報復去說溫嶠  
特來問候梅香報科云報的奶奶得知有溫嶠在  
于門首夫人云老身恰纔說罷學士真個來了道  
有請梅香云請進正末做見科夫人云學士王事



勤勞取個坐兒來教學士穩便一面將酒來與學士遞一杯梅香云酒在此夫人云學士滿飲一杯正末接飲科夫人云梅香繡房中叫小姐來拜哥哥者梅香云小姐有請旦扮倩英上云妾身倩英正在房中習針指梅香說母親在前廳呼喚不知有甚事須索走一遭去做見科云母親叫孩兒有甚事夫人云孩兒喚你來無別事把體面拜哥哥旦云理會的夫人云且住者休拜梅香前廳上將老相公坐的栲栳圈銀交椅來請學士坐着小姐

拜見正末云老相公的交椅姪兒如何敢坐夫人  
云學士休謙恭敬不如從命正末云謹依尊命夫  
人云小姐把體面拜哥哥哥哥者旦做拜科正末欠身  
科夫人云妹妹拜哥哥豈有欠身之禮正末云禮  
無不答焉可坐受夫人云好一個有道理的人也  
正末背云是好一個女子也呵

六么序兀的不消人魂魄綽人眼光說神仙那的是  
天堂則見脂粉馨香環珮丁當藕絲嫩新織仙裳但  
風流都在他身上添分毫便不停當見他的不動情

你便都休強，則除是鐵石兒郎也。索惱斷柔腸。

么我這裏端詳他那模樣，花比腮龐，花不成粧。玉比肌膚，玉不生光。宋玉襄王，想像高唐，止不過魂夢悠揚。朝朝暮暮陽臺上，害的他病在膏肓。若還來此相親傍，怕不就形消骨化，命喪身亡。

夫人云：梅香將酒來。小姐與哥哥把盞。旦奉酒科。

云：哥哥滿飲一杯，做遞盞科。

醉扶歸。正末雖是副輕臺盞，無斤兩。則他這手纖細，怎擎將。久立着神仙也不當。你待把我做真個的哥。

入情妙語  
更美倩

柳枝集

臺

哥講我欲說話別無甚伎倆把一盞酒淹一半在堦  
基上。

夫人云老身欲教小姐寫字彈琴爭奈無個明師  
學士肯看老身薄面教你妹子彈琴寫字正末云  
姑娘在上據你姪兒所學怎生教的小姐夫人云  
學士休謙梅香取曆日來教學士選個好日子教  
小姐彈琴寫字正末云溫嶠今日出來時有別勾  
當也曾選日子來日是個好日辰

金盞兒來日不空亾恰相當天生壬申癸酉全家旺

長星赤口不相妨、大綱來陰陽偏有准、擇日要端詳、  
豈不聞成開皆大吉、閉破莫商量、

夫人云、既如此、就是明日要勞動學士者、正末云、  
謹依尊命、明日溫嶠自來、但溫嶠無學、怎生教的  
小姐、夫人云、學士休謙、只看你下世姑夫的面皮、  
教訓女孩兒、則個

醉中天、正末白、日短無時晌、兼夜教正、更長便悞了、  
翰林院編修有甚忙、我待做師爲學長、拚的個十分  
應當、再無推讓、早收拾幽靜書房、

夫人云梅香伏侍小姐辭別了哥哥回綉房去且  
云理會的拜科下夫人云多謝學士幸不違阻是  
必明日早來正末云敢不惟命

賺煞尾恰纔立一朵海棠嬌捧一盞梨花釀把我雙  
送入愁鄉醉鄉我這裏下得堦基無個頓放畫堂中  
別是風光恰纔則掛垂楊一抹斜陽改變了黯黯陰  
雲蔽上蒼眼見得人倚綠窻又則怕燈昏羅帳天那  
休添上畫檐間疎雨滴愁腸下

夫人云學士去了也梅香便收拾萬卷堂來日是

吉日良辰請學士來教你小姐彈琴寫字收拾的  
停當時可來回我話梅香云理會的同下

## 第二折

老夫人上云昨日選定今日是吉日良辰梅香門  
首覷者則怕學士來時報我知道梅香云理會的  
正末上云姑娘選定今日好日辰我昨日回來已  
不得便是今日也如今不曾衙門去則索就到姑  
娘家裡梅香報復去道溫嶠來了也梅香報科云  
溫學士來了夫人云道有請梅香云請進正末見

見科夫人云今日學士怎生來的恁早正末云爲  
領尊命教小姐琴書就不曾到衙門去夫人云因  
爲老身薄面悞了學士公事老身知感不盡梅香  
快請小姐出來拜哥哥梅香云小姐有請旦上云  
妾身正在綉房中聽的母親呼喚須索見去見科  
夫人云倩英你拜哥哥今日爲始便是你師父了  
也旦做拜科正末背云小姐比昨日打扮的又別  
真神仙中人也

南呂一枝花藕絲翡翠裙。玉膩螭蟠頸。姐已空破國。



西子枉傾城。天上飛瓊。散下風流病。若是寢正濃。夢乍醒。且休問。斜月殘燈。直睡到東窗日影。

將琴過來教小姐操一曲。咱旦學操琴科。

梁州第七。正末兀的不可喜煞。羅幃綉幕。風流煞。金屋銀屏。這七條絃。與亾禍福都相應。端的個聖賢可對。神鬼堪驚。俗懷頓爽。塵慮皆清。一弄兒指法泠泠。早合着古操新聲。金徽彈流水潺湲。水絃打餘音齊整。玉纖點逸韻輕盈。聰明怎生得口訣。手未到心先應。海棠色。蕙蘭性。想天地全將秀結成。一團兒智巧。